

Хальмг бичэчирин дарани четверг

Майн 8-д Солон хальмг бичэчирин литературн четверг, шинэс эклдж бичджэх багъ наста бичэчирт нерэдгдв.

— „Хальмг үнн“ — газетд ирсн бичгүд заагт кесг олн шүлгүд болн очерк ирнэ — гидж хургт эклдж келсн үгдэн, эн газетин редактор үр Мукебе-нов келв.

— Шинэс эклдж бичджэх багъчуд дунд Балакаев Алексей, Байдыев Санъгъдж-Ара, Сангаджиева Бося болн Топалов Михаил — эдн му биш шүлгүд бичцхэнэ. Эднэ бичсн шүлгүдин сэн-сэнинь йилгъад, „Хальмг үнн“ газетд барлгдв. Эднэ бичсн шүлгүдин зэрмнь зөвэр никт, хурц гидгэр бичгддж. Болв, тедн бий-эн икд тоолл уга, мава хальмгин тоомсрта бичэчирас болн орсн алдр бичэчирас уха авч, дамшдж, цааранднь эврэннь медрлэн икдүлх зөв-тэ.

Шин бичсн шүлгүдэн Балакаев, Байдыев, Лиджиев Эр-цн болн Сангаджиева Бося хургт умшдж өгцхэв. Эн умшгдсн шүлгүдэс хальмг куукд улс дотрас эклдж бичсн Сангаджиева Босян шүлг сэн болдж, онц темдгдгдв.

Хургт орлцдж үг келсн Сян-Бельгин, Дорджиев, Эрен-дженов, Инджиев болн нань чигн улс, шинэс бичдж — эн хургт умшгдсн шүлгүдин ду-ту-дундинь темдгддж, шал-гъдж, шинэс эклдж бичджэх багъчудт заавран өгцхэв.

КПСС-н Хальмг обкомин сел-глатр үр Джимбинов Б. хургт орлцад, үг келв. Хальмг бичэчирин, шинэс эклдж бичджэх багъчудиг болв чигн, барин халхар көдлдг улс цааранднь көдлмшэн никтрүлдж, саянэр, тоомсртагъар бичхмн, тер дотр Октябрин 40 джилин бөниг көдлмшин омгта диилв-рэр тосхин тускар бичхмн — гидж үр Джимбинов келв.

Хальмг бичэчирин литера-турн четвергин көдлмшинг цааранднь ясрулдж диглхмн, шинэс эклдж бичджэх багъчуд дунд, тасрхан уга сургъмджин көдлмш кеджэхмн — гидж ВЛКСМ-н Хальмг обкомин сел-глатр үр Надбитов келв.

Эн болсн литературн чет-вергт, партийн болн советск органд көдлдг 50 гар улс, интеллигенц болн багъчуд ирцхэв.